

## Morning Dogri (NSD) National News Bulletin 31-01-2025

### आकाशवाणी

खबरां पूनम डोगरा कोला।

- 1.1. संसद दा बजट इजलास अज्जै थमां राष्ट्रपति हुंदे अभिभाषण कन्नै शुरु होआ करदा ऐ।
2. केन्द्री मंत्री अश्विनी वैष्णव होरें आखेआ ऐ जे भारत किफायती कीमत उप्पर ए.आई. दा स्वदेशी तौरा पर विकसित मॉडल जारी करोग।
3. महाकुंभ च होए दे हादसे दी जांच लेई उत्तर प्रदेश सरकार आसेआ खडेरेया गेदा न्यायिक आयोग अज्ज प्रयागराज च संगम घाट दा दौरा करोग।
4. इजराईल नै युद्धबंदी आहले समझौते दे अगले चरण तैह्त 110 फिलीस्तीनी बंधकें गी रिहा कीता ऐ।
5. ते महिलाएं दे आईसीसी अंडर-19 टी20 क्रिकेट विश्व कप च पिच्छली बारी दी जेतू भारती टीम दा मुकाबला अज्ज सेमीफाईनल च इंग्लैंड कन्नै होग।

<><><><><><><>

### Budget Session

संसद दा बजट इजलास अज्जै थमां शुरु होआ'रदा ऐ। राष्ट्रपति द्रौपदी मुर्मू होर अज्ज दौनें सदनें दी सांझी बैठक गी संबोधमत करगंन। राष्ट्रपति हुंदे अभिभाषण मगरा खजाना मंत्री निर्मला सीतारमण होर लोकसभा ते राज्यसभा दौनें च आर्थिक सर्वेक्षण पेश करगंन। आर्थिक सर्वेक्षण गी पेश करना संसद च बजट सत्र दी आधिकारिक शुरुआत दा प्रतीक ऐ। कल वित्त मंत्री होर केन्द्रीय बजट पेश करगंन। लोकसभा ते राज्यसभा च सोमवारें राष्ट्रपति हुंदे अभिभाषण पर धन्नबाद प्रस्ताह पर चर्चा कीती जाग। वित्त विधायक 2005 वक्फ (संशोधन) विधेयक 2024 बैंकिंग कनून विधेयक 2024 ते रेलवे संशोधन विधेयक 2024 सने 16 कनून चर्चा ते पारित होने लेई जांगन।

<><><><><><><>

AI

सरकार नै घोषणा कीती ऐ जे भारत तोले गै किफायत ीते देश च निर्मत आर्टिफिशल इंटैलीजेंस मॉडल गी पेश करोग। कल नमीं दिल्ली च मीडिया गी एह जानकारी दिंदे होई केन्द्रीय इलैक्ट्रानिक ते सूचना प्रौद्योगिकी मंत्री अश्विनी वैष्णव होरें दस्सेआ जे विश्व च इस चाल्ली दी मॉडल दे 1 घंटे दे इस्तेमाल उप्पर ढाई शा 3 डॉलर दा खर्च होंदा ऐ जदके आर्टिफिशल इंटैलीजेंस दे भारतीय मॉडल दी 1 घंटे दे इस्तेमाल दा खर्च 40 फीसद सरकारी सब्सिडी दे मगरा 100 रुपे फही घंटा होग। उनें इस गल्ल उप्पर बी लोह पाई जे आकर्षक अर्थ वार्षिक ते सलाना योजना इसी होर मता किफायती बनाग। वैष्णव होरें गलाया जे राई-बाई क्षेत्र सिखने दी अक्षमता ते जलवायु परिवर्तन कन्नै सरबंधत 18 नागरिक केन्द्रत-अनप्रयोग इस आर्टिफिशल इंटैलीजेंस मॉडल दा इक हिस्सा होंगन। उनें इस गल्ल उप्पर बी जोर दित्ता जे भारतीय आर्टिफिशल इंटैलीजेंस मॉडल इक सशक्त गैह ऐ की जे भारत राष्ट्रें दे समूहें बश्कार इक बसाह् भरोसे आला मुख्य ऐ।

<><><><><><><>

PM

बीजेपी दे वरिष्ठ नेता ते प्रधानमंत्री नरेन्द्र मोदी होर अज्ज दपैहरी दवारका च इक बड्डी जनसभा गी संबोधत करगंन। उंदे अलावा केन्द्री मी नितिन गडकरी ते उत्तराखंड दे मुखमंत्री पुष्कर सिंह धामी होर बी अज्ज दिल्ली च बक्ख-बक्ख चुनावी क्षेत्रें च चुनावी रैलिएं गी संबोधत करगंन।

<><><><><><><>

Delhi Election

दिल्ली च 5 फरवरी गी होने आले 2025 उदे विधानसभा चुनां लेई तैआरियां जोरें शोरें उप्पर चला'रदियां न। इस दरान राष्ट्रीय राजधानी च सब्बै प्रमुख सियासी दलें आस्सेआ बड्डे स्तर उप्पर प्रचार घर-घर जाइयै प्रचार ते बदलाव लेई वायदे कीते जा'रदे न। बीजेपी दे वरिष्ठ नेता ते केन्द्री मंत्री राजनाथ सिंह होरें दावा कीता ऐ जे बीजेपी देश दी इक्कली पार्टी ऐ जेह्डी अपने वायदे पूरे करदी ऐ। कल राष्ट्रीय राजधानी दे विश्वास नगर च इक चुनावी रैली गी संबोधत करदे होई सिंह होरें आप नेता अरविंद केजरीवाल हुंदे उप्पर लोकें आस्सेआ उंदे उप्पर जताए गेदे भरोसे गी तोड़ने दा दोष लाया। उनें गलाया जे दिल्ली च आप सरकार नै 10 ब'रे सत्ता च रौहने दे बावजूद बी राष्ट्रीय राजधानी दा विकास करने च नाकामयाब रेई। तोआई आप नेता अरविंद केजरीवाल होरें कांग्रेस पार्टी उप्पर विधानसभा

चुनाएं च उंदी पार्टी दी हार सुनिश्चित करने लेई बीजेपी कन्नै मिलियै कम्म करने दा दोष लाया। कल संजा मीडिया गी संबोधत करदे होई उनें कांग्रेस कार्यकर्ताएं गी कांग्रेस पार्टी गी वोट नेई देने दा आग्रह कीता ते दोष लाया जे कांग्रेस बीजेपी कन्नै मिलियै कम्म करा'रदी ऐ।

<><><><><><><>

## Mahakumbh

महाकुंभ दरान होए दे हादसे दे पिच्छे दिएं वजह दा पता लाने लेई उत्तर प्रदेश सरकार आस्सेआ खडेरया गेदा न्यायिक आयोग अज्ज प्रयागराज च संगम घाट दा दौरा करोग। आयोग हादसे दिएं वजहें ते हालात दी जांच करोग ते भविक्ख च ऐसी घटनाएं गी रोकने आस्तै सफारशें दे कन्नै इक म्हीने दे अंदर अपनी रिपोर्ट देग। त्रै मिंबरें आले इस आयोग दी अगुवाई इलाहाबाद हाई कोर्ट दे सेवानिवृत न्यायधीश हर्ष कुमार करै करदे न। उत्तर प्रदेश दे मुख्ख सचिव मनोज कुमार सिंह ते पुलस दे डरैक्टर जनरल प्रशांत कुमार होरें कल महाकुंभ च संगम घाट दा दौरा कीता ते उस इलाके दा निरीक्षण कीता जेहदे च 30 लोकें दी जान चली गई ही। उनें प्रशासन गी तैआर रौहने ते बेहतर ढंग अपनाने दा आग्रह कीता तां जे औंदे अमृत स्नान बवस्था आले ढंगै कन्नै होई सकै। उनें मती भीड़ आले इलाकें च मते थमां मते अधिकारिं गह तैनात करने दी जरूरतै पर बी जोर दित्ता।

<><><><><><><>

## World Book Fair

नमीं दिल्ली विश्व पुस्क मेला 2025 नमीं दिल्ली दे भारत मंडपम च पैहली फरवरी गी शुरू होआ रदा ऐ। इस बरे मेले दा विषय सार ऐ "हम भारत के लोग"। 9एं दिनें तोड़ी चलने आहले इस मेले दा उद्घाटन राष्ट्रपति द्रौपदी मुर्मू होर करंगन। आकाशवाणी समाचार कन्नै गल्ल करदे होई नैशनल बुक ट्रस्ट दे निदेशक युवराज मलिक होरें दससेआ जे इस बरे लेई मुख्ख देश रूस ऐ ते एहदे च फ्रांस, अर्जेटीना, स्पेन, कोलंबिया, संयुक्त अरब अमीरात ते कतर सने 50 कोला मते मुख्ख हिस्सा लै करदे न। उनें दस्सेआ जे मेले च कोई 2 जहार प्रकाशक ते इक्क जहार वक्ता हिस्सा लैंगन।

<><><><><><><>

## Israel

इज़राइल ते हमास बश्कार संघर्ष विराम समझौते दे अगले चरण दे तैहत इज़राइल नै 110 फिलिस्तीनी कैदिये गी रिहा कीता ऐ। चानचक्क भीड़ बधने करी बंधकों गी रिहा करने दी प्रक्रिया च चिर लग्गा ऐ। गाज़ा ते वेस्ट बैंक च बड़्डे पैमाने पर रिहाई दा जश्न मनाया गेआ। एह्दे शा पैह्ले, गाज़ा नै 15 महीने से बंधक रहे 3 इज़राइली और 5 थाई नागरिकों को रिहा किया। एक सोशल मीडिया पोस्ट में, इज़राइल रक्षा बलों ने बंधकों की वापसी का स्वागत किया और कहा कि वह गाजा में बाकी बचे सभी बंधकों को वापस लाने के लिए प्रतिबद्ध है। इससे पहले इज़राइली प्रधानमंत्री बेंजामिन नेतन्याहू ने इज़राइली बंधकों की रिहाई के समय परेशान करने वाले कुछ वीडियो का हवाला देते हुए समझौते के उल्लंघन का आरोप लगाया था।

<><><><><><><><>

## Pakistan

पाकिस्तान सरकार नै विदेशें थमां लगातार मिलै करदी शकैतें परैन्त भिक्ख मंग्गने गी अपराध घोषित करने दा फ़ैसला कीता ऐ। विदेशें च रौहने आह्ले ओह्दे ज्हारां बद्धे बसनीक गैर-कनूनी गतिविधिये ते भिक्ख मंग्गने च फगड़े गे न। एह्दे करी पाकिस्तान गी आलमी सतह उप्पर बड़ी भारी शर्मिंदगी झल्लनी पेई ऐ। पाकिस्तान दे अंदरूनी मामलें सरबंधी मंत्रालय नै 'व्यक्तिये दी तस्करी दी रोकथाम (संशोधन) विधेयक 2024' दी दफा 3 च "संगठित तौर उप्पर भिक्ख मंग्गने" दे लफज़ गी जोड़ने दा प्रस्ताऽ करने दा फ़ैसला लैता ऐ। सऊदी अरब च अपने ज्हारें बद्धे नागरिकें गी भिक्ख मंग्गदे होई फगड़े जाने दे बाद पाकिस्तानी सरकार इस मुद्दे गी गंभीरता कन्नै लैने लेई मजबूर होई गई ऐ। सऊदी सरकार नै पाकिस्तान गी आखेआ ऐ जे ओह भिक्ख मंग्गने आह्ले, कसरी लोकें जां बिजन कौशल आह्ले लोकें गी सऊदी अरब नेई भेजे।

<><><><><><><><>

## Cricket

आईसीसी अंडर-19 महिला टी-20 क्रिकेट विश्व कप दे सैमीफाइनल मैच च अज्ज इंग्लैंड कन्नै होग। कुआलालम्पुर दे स्टेडियम च एह मैच भारतीय समें मूजब दपैहरी 12 बजे शुरू होग। निकी प्रसाद दे नेतृत्व आली भारतीय टीम शानदार प्रदर्शन करा'रदी ऐ। तोआई इंग्लैंड नै सुपर सिक्स गेडद्य च अजे तगर 2 मैच जित्ते ते 2 मैच होर। एह्दे थमां पैह्ले दक्खन

अफ्रीका ते आस्ट्रेलिया बश्कार इस्से थाहर इक होर सैमीफाइनल मैच बडलै 8 बजे खेड्डेआ जाग। दवै सैमीफाइनल दे जित्तने आलें दर मकाबला ऐतवार फाइनल मैच च इस्सै मैदान च होग। तोआई मर्दे क्रिकेट च भारत ते इंग्लैंड बश्कार चौथा टी-20 अंतर्राष्ट्रीय मैच अज्ज महाराष्ट्र क्रिकेट एसोसिएशन स्टेडियम च संजा 7 बजे शुरू होग।

<><><><><><>

## Hockey

हॉकी इंडिया लीग दे सेमीफाइनल च अज्ज श्राची राढ़ बंगाल टाइगर्स दा सामना तमिलनाडु ड्रैगन्स कन्नै होग। एह मैच राउरकेला दे बिरसा मुंडा अंतर्राष्ट्रीय हॉकी स्टेडियम च संजां 6 बजे शुरू होग जदके जेएसडब्ल्यू सूरमा हॉकी क्लब दा मुकाबला इस्सै मैदान पर रातीं सवा अट्ठ बजे हैदराबाद तूफान्स कन्नै होग। श्राची राढ़ बंगाल टाइगर्स दी टीम 19 अंके दे कन्नै ग्रुप चरण च अव्वल थाहरै पर ऐ ते इस लीग च कुल 9 गोल करने आहले जुगराज सिंह उंदे सब्बनें शा श्रेष्ठ खड्दारी रेह। जेएसडब्ल्यू सूरमा हॉकी क्लब बी 19 अंक हासल करियै टाइगर्स दी बरोबरी पर ऐ। दुई भेठा, हैदराबाद तूफान 18 अंके दे कन्नै त्रीये नम्बरै पर रेहा, टिम ब्रांड ते गोंजालो पिलेट नै टीम आस्तै 6-6 गोल कीते। तमिलनाडु ड्रैगन्स नै 18 अंके दे कन्नै चौथी थाहर हासल कीती।

<><><><><><>